

自撰  
上

伊  
2728  
1



伊  
3728  
1

自叙譜畧

正保元年甲申

十二月十四日生於江府神田祖父  
羅山林道春宅幼名又四郎祖父常  
呼春常名名龔字直民俗諱信篤辨整  
字又稱鳳岡

二年乙酉 二歲



家父鷺峯林學士奉官命赴野州二  
荒山及冬登紀州高野山與寺社奉行  
安藤右京進重長預聞訃論之事慈母  
倉橋氏鞠育竭心祖父抱余曰去歲汝兄  
又三郎名慈字孟著号勉亭稱梅洞祖父常呼春信生而家父承  
台命到京師傍觀讓位即位之儀今年二  
荒南紀之行咨詢官事二孫共可謂福於

家者也

三年丙戌

三歲

今年冬家父增加俸祿且賜別宅

四年丁亥

四歲

家父新築落成余亦與兄隨父母而移居焉

慶安元年戊子

五歲

始讀大學受父祖口授家兄常教誨

二年己丑

六歲

家父罹熱病屢候卧床有憂苦之色  
今秋同母妹久娘生

三年庚寅

七歲

八月同母妹七娘生

四年辛卯

八歲

四月二十日

將軍家薨勅贈正一位太政大臣弼大猷院

承應元年壬辰

九歲

二年癸巳

十歲

頃年終誦四書句讀而日夜疾走屢廢筆

硯祖父及叔父讀耕子

名靖字孝後或稱串子

激之勵

之白眼低視

三年甲午

十一歲

正月朔旦始賦五言小絕父祖及叔父喜而和之  
明曆元年乙未 十二歲

誦書賦詩父兄教導守信常

二月丁日忍岡 聖廟釋菜始預祭儀

二年丙申 十三歲

每夜從家兄侍祖父之側讀書聽講

八月十五夜從父祖遊播州姬路城主式部

大輔源忠次池亭見月即席賦一絕忠次感  
其不翅自是從家父屢應其招預詩歌會飽  
聞 御當家故實

三年丁酉 十四歲

正月十八九日江城大火父祖本宅罹災藏書  
亦半煨燼隨父祖移忍岡別莊二十三日祖父  
罹病易箒無貴無賤為道為學悉哀惜之

私謚文敏先生及秋本宅新成從父兄移居  
自此夜從兄<sup>隋</sup>赴叔父讀耕子宅問字賦詩

萬治元年戊戌 十五歲

今年有命賜官庫書二十四部黃金五百兩於  
家父去歲大火藏書頗燒失故然矣

二年己亥 十六歲

日夜覃思翰墨悉受家兄之教

三年庚子 十七歲

寬文元年辛丑 十八歲

三月叔父讀耕子歸泉年三十八強記博聞  
英才絕倫孤兒勝澄八歲繼其家号晋軒  
俗稱春東家父憂家業衰弊故與兄激勵  
志氣共有興家風之志

二年壬寅 十九歲

忍岡 聖廟有修補之 命二月釋菜

項年與門生野節

字宜卿号竹洞 号鶴山号友无

坂亭

字嘉七号 蘭齋号集

狷高庸

字公擇号荷溪 俗稱左兵衛尉

南直

字子方後稱 權左衛門

等或每日

或隔日會集賦詩聯句

是冬家兄賜學問料

三年癸卯

二十歲

正月罹痘疹之病幸而免

三月末娘憂痘疹而掩狝

四年甲辰

二十一歲

八月十五日始登 城拜謁 台顏

十一月有 命家父編輯本朝通鑑新建國史

館于忍岡舉家移住忍岡家兄及余亦與野

節坂亭等預編輯之事

五年乙巳 二十二歲

日日就史館之勤。

今年家兄與家父議，忍岡塾中設經學、史學、倭學、詩學、文學、五科，激勵舊門生新進來學。

丙午

二十三歲

七月家兄移居神田本宅，而娶木田因幡守女。九月朔日卧病而沒，年二十四，舉世賞其學才。

而惜其短命，家父哭慟殆欲喪明，作西風淚露，詳述哀情，余哭泣之間，自起奮激，唯欲不墜家聲，無晝無夜講習討論學，而不措勉，而弗輟。

十一月同母妹七娘死。

十二月新賜學問料三百俵。

七年丁未

二十四歲



十一月娶甬山嫡派民部入道休山女內藏助  
加藤明友石階字子兼号及朽木氏為媒約勿齋  
自少壯好學祖父家父叔父家兄及余為莫逆  
之友花晨月夕拍肩挹袂談經說理論文評  
詩經月逐年交際愈昵

八年戊申

二十五歲

二月終日終夜烈風處三火起猛煙蔽空

本城西城殆危幸而免矣城外候伯士林不  
遺一字家父神田本宅亦罹災

今秋編輯亡兄詩文集總四十卷剞劂行于  
世九月朔旦正當忌辰乃獻之牌前

十二月二十七日有召登城執政傳命賜  
家父黃金三十兩綿衣三領羽織一領余及  
野節坂亭亦賜黃金二十兩時服二領羽織一

領依國史勤勞也。

九年己酉 二十六歲

正月有命勝澄自今年陪國史館見編輯之事。參校文字異同等之事。旦夕就家父及余。勤讀不怠。

頃歲余侍家父。每有館暇作倭蒙求。

十年庚戌 二十七歲

正月家父作詩經私考別考。余陪其傍。使塾生指揮其書式。

二月余及野節坂亭作國史提要。

四月余赴加賀羽林第。應其求。誦大學序。羽林父祖以來與余父祖交際年久。亡兄屢出入其門。講詩經。終二南而歸。泉羽林哀惜殊甚。其後與余有識韓之交。逐年顧遇殊深。當時列候之中。

第一大祿也。食百餘萬石。

六月六日東方已白日出之時。本妻產嫡子吉松。家父以其幼名稱之外祖串山八十歲自筆吉松二字祝之。余亦頃間夢日出日玲瓏之句。誕生日日出之時。真協吉夢。自以為瑞。請家父為其說。一家欣。親朋門生悉賀之。翌日家父被召登城於御前讀本朝通鑑。

序 玉音勞之退座之後。國老前攝少將源忠清。小田原拾遺越智正則及關宿城主久世廣之土浦城主土屋數直列座。告家父曰。國史編輯久廢。其舉方今太平之世。繼其前躅。可謂文明之世也。然微其人。則不能遂此盛事。可謂時得其人。人遇其時者也。經日就國史編輯奉行伊賀守永井尚庸。猷通鑑三百十卷。函部三十函於御前。

同月十九日有 召家父及余春東友元伯元登  
城國老執政携家父近候 御前 玉音曰通鑑  
編輯希世之盛事累年勤勞可以感獎也因  
加賜增地二百石云云家父拜謝而平伏退去  
諸老召余及春東友元伯元出于 御前謁  
見畢於次座老臣傳 命賜余時服三領白銀  
百枚春東亦賜時服三領友元伯元恩賜與余同

也歸家之後貴族侯伯士林或自來或寄使賀  
之祝之致仕元老恩城主阿部豐後守忠秋輿病  
來賀之其言如諸老之語忠秋平生懇遇家父  
音問不疎

十月有 命賜九十五人之月俸於家父教育來  
學書生

同月家父開通鑑竟宴饗書生三十餘輩詠本

朝之事總百首余序其卷端

十一年辛亥

二十八歲

余講了四書自今春講詩經

四月奉命從執政越省正則赴二竺山候法會  
之席作大猷廟二十一回忌辰記

六月二十二日赴加賀羽林第講詩經自是  
每月兩三回約定講日若有故障則以夜易日

七月二十一日中山王使者金武王子來朝營中  
有拜謁之禮余亦從父縱見其儀

十二年壬子

二十九歲

今春家父賜官材營學寮於聖堂之東聚育  
來學號東寮先是所營號西寮家父所居稱  
南塾余所居稱北塾

六月女子梅娘生母同吉松經月而夭

十月家父作職原會通自去冬講職原至今  
年徹講筵

十一月春東娶清水氏女為妻余代家父命定  
其儀

同月應會津羽林所未作會津神社志後序  
羽林者當家懿親才量拔群平章國政  
衆民具瞻篤志經學論辨性理近歲招請

家父厚意鄭重內藏物加藤明友備前守小出  
吉明每席為伴食余亦蒙其眷遇

十二月二十七日外祖母貞心沒于尾州舍人氏  
女嫁外祖父倉橋氏

延寶元年癸巳 三十歲

忍岡之園櫻樹數百株每春開花如雪如雲歲  
歲開宴詩賦成堆樹有大小花有遲速家父

隨其所在各稱其名品今春家父作管春  
錄編纂中華本朝詠櫻典故詩歌余亦議其  
事

二年甲寅

三十一歲

正月嫡子吉松隨俗着袴而誦四書句讀一  
家欣開宴賀之

六月長崎商船載來吳三桂鄭錦舍檄其書

共揚義兵討平大清再興大明之趣也家父及  
余被召登城老臣列座余讀檄書吳三桂立  
國號稱周錦舍者明朝商人平戶一官之孫也  
鄭芝龍之子也芝龍依有功勞賜朱姓稱成  
功

七月九日次男藤松生母同吉松

八月余誦了詩經家父賦排律一篇賀之

十月從家父訪常州 笠間城主井上河內守正  
利青山幽居此人自壯年好學潛心經義發明  
穎悟尤長揚學身居顯職才智威量冠於一時  
頃羊卧病免許官職致仕閑居家父執交  
四十年餘余亦時時對話正利之孫曰正  
峯稱河內守後任執政職眷二于我父子  
同月余講書經

十一月有

命修葺

聖堂廡廊瓦壁悉成其

功

三年乙卯

三十二歲

正月二日岳翁 畠山休山沒年八十五休山  
者足利義素嫡男畠山義純嫡孫也尾  
張守義深以來世二任管領職至其父高  
政家門衰弊唯保紀州為豐臣關白秀吉



公被滅

四月伶工伯耆守迂近元自京師來賀

聖堂修復率同僚十餘輩於聖堂前庭

奏舞樂乙巳之夏賀國史編輯之事奏舞

樂今夏示如此其志可以感贊門生伯高庸

父也高庸日三咫尺家父及余親友有年余

家每有內外大小之事無不展其勞好學嗜

詩世以能書稱之門生第一之親交也

是年錫鳩備前守始來名直條字孟幹生質閑

雅頗好著述自此而後傾情余家一見神交

義氣斷金花晨月夕頻繁來過外修師

弟之約內等骨肉之親丹後國宮津城主

永井在守

後改信  
津守

亦與余執交詩筒相

通兩情相通也南部遠江守直

政與余有師弟之約。頗好文學。每作詩賦。乞  
郢正。播州明石城主日向守源信之。雖無文學。  
與家父及余交義殊睦。執政烏山城主內膳  
平直矩嗣子右見守重道。後閑居淺草。狎源  
真亦好文學。與家父及余交際親昵。終始  
如一。肥前嶋原城主主殿頭源忠房。頗  
志文學。嗜本朝之事。會遇懇篤。在士林

則高木虛齋保田若狹守宗。雪大久保忠隆阿部  
四郎五郎政重父子。接遇丁寧。兩心不隱。

四年丙辰 三十三歲

正月坂事。開其老父山庵九十賀。家父及余率門  
生會集。

二月丁日 聖廟釋菜。元老酒并雅樂頭源忠清執政稻葉美濃  
守越智正則。土屋但馬守數直。三人同行。觀祭儀。祭

畢預宴僉言文道興起之端也

五月二日次男藤松夭

十一月九日從弟春東

名憲字章卿

沒歲二十三稟性

多病幼而孤家父愛之猶子亡兄及余亦以同胞  
遇之其質和順其志確實逐年學才增進  
不堪哭慟失左右手葬于忍岡良隅寡婦守  
志終始不變春東無嗣養侍醫高肅春澤次

子為嗣以有外姻也後薨又右衛門信如

五年丁巳

三十四歲

是年每有公事從家父登城老臣各感堪其  
任麾下執事堀田備中守正俊屢招余講經說  
理夜話不覺漏更之移

六年戊午

三十五歲

家兒吉松九歲始作元旦詩舉家欣門生悉

和之其性和柔穎慧常使塾生賦詩少則五十首多則百餘首其遊戲多行 聖殿釋菜禮  
二月 聖殿釋菜加賀中將 後叙從三位 任參議 來觀祭儀  
吉松迎接竭禮中將顧視家父及余曰幼邁之才感賞有匪直也人可期遠大

八月余講了書經作重考

十二月余講周易本義頗新見家父作文以賞之

七年己未 三十六歲

二月 聖殿釋菜奧州仙臺城主陸奧守藤綱  
村 嚶來觀祭儀丹後守稻葉正通 義濃守 嫡子 為之先  
容入傍舍喫飯此日執政關宿城主大和守久世廣  
之併倉城主加賀守大久保忠朝亦退公直登忍  
岡觀祭儀預宴家兒吉松十歲祖父母父母偕  
存故從舊例深衣裁綵緣童子冠用金簪垂

紗總其結髮，預祭威儀恭敬，進退有度，觀者感伏，家父歡抃殊甚。

七月十一日侍妾內田氏生女子，名蘭娘。

十一月四日家父俄有病，飲諸醫藥，不得靈驗。元老稻葉正則聞之，來問安否。家父輿病出謁謝其來臨，談話移刻而去。其後日二，馳使問其起居，屢惠烏魚，以充飲食。國老雅樂

頭忠清懇問丁寧，其餘執政執事且侯伯士林，或自來，或寄使，音問不疎也。余日夜侍病，不脫衣帶，門生塾徒不離病床，更番勤侍。柏高膏日二，來問野節坂亭，其餘門生往來不絕。塾生高安成、賀瑋、林權村、顧言嶋、周和、聖安悅、村喬、藤達、津浩、直諫、茂益、松直秀、周宗允、石覃、由常、安其餘十八九輩，日夜相代陪侍病。

床此外筮仕在他方亦多

八年庚申

三十七歲

正月家父依病不登三營自謂不得快驗有  
致仕之志二月十日憑執事因幡守松平信興  
美作守石川乘政上表請致仕老臣各惜之然  
所請難拒乃敷奏之同月二十三日余被召  
登城元老執政執事列座傳命曰是許

弘文學士所請其采邑月俸悉賜汝學士自  
弱冠預公事勤勞太多衆皆知之故賜汝年  
俸授之學士而為隱居之營云云余拜伏退出  
悉告之家父拜伏聞命同月二十八日家父  
召余授與先聖殿及弘文書院曰汝勉哉勿  
怠而身居北塾代其居經日執政堀田正俊執  
事松平信興來賀問病致仕之後讀書不休

對花玩月賦詩作文而謝外客

五月朔日家父痰喘屢起經日增重端午之晨告余曰我死在今日汝有興家之量於後事而無所慮我心安穩莫忘祖先莫棄舊交云云乃改着衣服自以待死未幾易箚余哭泣不知所為父子恩愛無貴賤一也然余家世列儒官為身為家為道為世憂懼塞胸氣

息欲絕翻思則則葬事者沒後大孝也強起新命喪具薄暮作靈座設魂帛朝夕之奠不闕不怠私謚文穆家兒吉松悲哀相<sup>助</sup>祭棺擲乃成葬于忍岡良隅其儀悉掇文公家禮之式門生等助成葬事建小石碑題曰文穆先生鷺峯學士林君之墓且作碑誌而作居喪目錄詳記喪中之事也貴戚及國老執政侯伯士

林聞訃者無不哀惜之在他方者亦寄飛札  
吊慰之曰舊知之情志深切異他者之外雖為  
親族門生悉辭賻銀

是月

將軍家宿病屢起逐日大漸彌留棄群臣  
勅贈正一位太政大臣弼嚴有公養令弟館林公  
續其丕緒余雖居喪次執政寄書咨詢葬事

八月十七日卒哭俗忌既除執事松平因幡守信  
興寄書告明日有拜謁之命隨俗例不得已

登城奉拜

新主候伯士林往告賀儀

二十三日

新主有將軍

宣下之儀貴介候

伯官僚士林悉登

城余亦奉

命觀其儀

二十七日

太上法皇

弼後水尾

崩候伯士林悉登

城余亦思老臣有顧問



二十九日修祠堂之祭神主物面改考為祖改孝  
子為孝孫悉擬文公家禮之式自此忌日冬至  
之祭不懈朝夕燒香拜禮如事生之禮

九月十一日早朝到執政堀田筑前守宅血判  
誓詞執事松平因幡守來會此日被  
登城直候御前談經義自此而後每  
月兩三回被召於御休所講經說理

十二月二十一日吉松改名又三郎依家祥也  
今年率塾生入御文庫點檢書目且依命  
獻新刊本數十部

天和元年辛酉 三十八歲

正月增上寺有法會依台德廟五十回忌辰  
也余亦陪其席

六月將軍家躬御大廣間決聽越後國

士爭論之事其儀嚴重侯伯官僚以下悉列  
座余亦依命陪坐

七月三日侍妾内田氏產七三郎

九月奉命加訓點於五經小學近思錄  
等

十月改元奉命預諮詢之事

二年壬戌 三十九歲

四月中山王使省護皇子來朝寄書於諸執政  
余依舊例作返翰

五月八日正當嚴有公三歲忌辰於東殿山

野有法會余亦預其事

七月又三郎俗諺春未又名惠登城始奉拜

台顏

八月朝鮮三官使來聘以本誓寺為假館二十七日

登城有謁見之禮。余携春宗邂逅官使及三  
學士成翠、虛李鵬溟、洪滄浪贈答詩什。官使  
稱余曰：文章海內無雙士。又曰：聲價桑州第一  
人。可以驚嘆矣。春宗與三學士酬唱數回。三學  
士稱異曰：十三丰勃又能詩。云云。又曰：老夫從此  
欲無詩。又曰：整字能詩。汝亦能詩。云云。時  
春宗十三歲。數日之間。父子共交際如舊知。

事達於官家。執政傳命。羊戴時服。

公是年尊大君御大廣間。召侯伯有出條令  
之。命余於上壇讀之。執政列坐。

三年癸亥 四十歲

十一月執政傳命余及野節木下順庵曰：三  
人共可撰三河記。云云。執政阿部晝後守正武及  
堀田下總守正仲為之奉行。

十一月講了易本義全篇

負享元年甲子 四十一歲

正月講春秋胡氏傳

二月丁日 聖殿釋菜水戶世子羽林綱條及

高松城主松平讚岐守賴常等來觀祭儀余遇  
大喪久廢祭禮去春修畧祭今年依舊規  
同月改元依舊例考其事

十一月十四日之夜有 召近候御床 玉音曰

未見汝詩才 御手指蠟燭可速賦之乃應聲

曰玉殿沈々冬夜長九枝影動更燭煌寒花

呈示德輝美一抹紅雲統建章有 命

感其神速

十二月賜印章於侯伯万石以上牧野因幡守  
富成木多淡路守忠當為奉行余及野節右

筆衆三人亦預其事。共賜時服白銀。  
同月 御座間新成。特有 恩命。與近臣共  
見舞曲。預慶賀之宴。而賜絳綾五卷。

二年乙巳

四十二歲

正月 太上皇崩。

號後  
中阮依

召登城有咨

詢之事。

三月特賜宅地於城下八重洲河岸。老臣傳

命曰。頃歲公務頻繁。或每日。或隔日。雜及  
暮夜。有 召則飛駕而至。太協 台慮所居  
恐同僻遠。故又別賜宅地。可携老母妻子而移  
住。云云。

四月於御休所講詩經朱傳。講後賜時服三領。有  
命曰。自今每月三四回。可坐講筵。逐年悉可聽五經  
之講義。

五月 台駕遊白山觀近臣騎射其後御手試劍術而乘駿馬終日宴遊余亦扈從

六月召余曰汝三世勤家業辦公事克堪其任可勞可賞故 御手畫 聖像以授之可為世家珍也殊息之深恐汗徹肌不知所謝拜戴而退翌日獻棗菜酒茶菓等作告文致薄奠  
十二月近臣牧野備後守成負喜多見若狹守

重政傳 命曰日之勤仕然許宿直

同月二十五日近召 御床有 命曰汝近歲勤勞不怠負任家業故賜增地二百石老臣近臣皆以為榮

同月二十八日嫡子春宗罹痘疹之病更數醫無驗事達於 台聽特降 恩命使侍醫數輩問病診脉病中聽余增祿之事執余手

曰為家珍重至祝我病不起有次男在必其  
勿憂可勤公事而興家門云云余聽其言心想  
情悽不知所答二十七日告外舅雷山氏三人  
有所語而召門生及家士一一有所諭入夜  
煩悶三更之後口誦大學三綱領執余及母手  
正其容體而瞑于正寢歲十有六余慟哭不知  
真幻支骸百碎心腸寸斷為生耶為死耶魂  
魄離散我其非我二十九日門生助我裹喪  
事葬于忍心岡先考墓傍悉用儒禮題墓曰  
中殤亡嗣鷄峯有墓誌有事實不詳記之

三年丙寅

四十三歲

正月十九日俗忌既除登城近召余曰汝男能  
勤家業聲譽頗彰不幸早世誠可惜之吊慰  
丁寧不堪感佩雖銘心肝永訣之悲難抑悲歎

涕泣而已退

同月二十四日近候

御前

玉音曰聞汝次男

未罹痘疹乃賜御藥拜戴而退歸家授御藥  
於次男七三郎前飲不幾發熱疹見諸醫僉言  
痘疹輕順氣宇亦快

二月三日被

召見御能舞曲賜羽二重五疋同

月九日講詩經御手賜乾麩依歲初講筵也

每歲為例

四月承

命考定朕忌令頗協

台慮拜戴時

朕四領此後於

御前每聽講義或賜飲食賜或餅茶且賜

時朕綾綃等不知其數

六月蘭娘七三郎共有病乃召余

御手賜人參

曰療養勿懈

八月撰參河記賜名武德大成記余及人見友元木



下順庵并領白銀時服

十一月御休所新成賜宴近臣余亦預其列有懇篤之命

是年冬承命作兩朝災變考三冊大協台慮

四年丁卯 四十四歲

二月十一日老臣大久保加賀守忠朝阿部豐後守正武戶田山城守忠言牧野備後守成貞列

座傳 命曰汝奉上之勤篤實竭力預咨詢之事有侍講之勞故追家號可稱弘文院學士兩叙法印位以次男十三郎為嫡子云云

同月十八日忠國 聖殿釋菜二十一日命喜多

見若狹守重政於御休所受染昨事畢賜宴於御前賜御盃喜多見若狹守齊藤飛騨守柳澤出羽守里由耆前守伺候其席宴罷

講詩<sup>經</sup>拜戴時服五領而退。畢前守後叙四品。是遇出類嗜好文學與余交際親昵。

十月二十六日<sup>陪</sup>白山御遊觀麾下士人騎馬。

十一月二十三日次男百助生母同七三郎。

十二月喜多見若狹守傳命賞勤勞賜白銀三百兩自是每歲暮為例。

元祿元年戊辰 四十五歲

正月獻祝詩 台顏莞然長為嘉例

二月慈岡 聖殿釋菜經日 台座受案昨儀

如去年

九月安南國王寄書信於長崎奉行余於御前讀之有故不及回簡返音物。

十月改元

同月 台駕遊白山宴遊園中陪侍近臣獻倭

歌余亦獻詩律 台顏有歡色而賦倭什承  
命余奉和末字

十一月十二日有 召登 城老臣木久保加賀守阿  
部豐後守方由山城守土屋相摸守及牧野備  
後守喜多見若狹守列座加賀守傳 命曰  
尊主自幼好學尊信聖道汝父祖以來  
聖廟祭祀不絕每聞祭奠有感發之志故兩度

受染昨今年今月二十一日正當嘉辰欲詣忍  
岡 聖殿云云拜謝平伏恐汗沾衣為道為  
世為學為家不知手之舞足之蹈老臣命官吏  
修補忍岡居宅殆如新築

同月二十一日 尊大君齊明盛服屈躬竭禮拜  
詣 聖殿先期近臣持犧象銀象樽奇南香一  
本來獻納 聖前 尊大君燒香拜禮飲福

受胙禮容雜寅執政執事近臣悉皆扈從行  
犂嚴重自 聖殿入弘文書院命余講先典講  
畢余獻劔馬兩樽乾者綸布而拜伏而退又召於  
御前賜金泥書格文匣硯宮及白銀五百兩老  
母拙妻蘭娘七三郎百助各賜紅白縮緬總六  
十五卷也 尊主自奏舞曲余獻御羹御酒而  
頂戴 御盃其後又於御休所密獻四書集註

小學句讀及二十一代倭歌集故事還 御  
舉世皆曰希世盛事學道興起之端也

二十六日 尊大君開宴自奏舞曲賜饗應頂戴  
御盃浴具丁寧及退出賜羽二重十疋檜三重菓子  
人皆拍手以為榮也是亦 尊大君 尊聖之  
餘意也不堪屏營恐懼之至也

二年己巳 四十六歲

正月老人星見余獻祝詩

二月近臣喜多見若狹守重政忤旨沒收祿邑二万石余交際年久聞其事不堪驚嘆

二月十日丁日忍岡 聖廟釋菜二十一日 台駕

又詣 聖堂其儀悉如去年特蒙 恩遇七年

節時九歲被召候 御前拜戴縮緬五卷且

御手賜佩具 俗曰印籠

七月七三日節罹熱病逐日增重命官醫診脉飲藥辱預顧問且賜人參若干經日快復

同月塾生春龍 初名直諫 依召登 城列儒生欲助余

勤勞也

三年庚午 四十七歲

二月十六日中丁忍岡 聖廟釋菜二十一日

台駕詣 聖廟其儀同去年二十六日陪 御前

賜饗應其儀亦同去年。

四月就柳澤出羽守保明獻亡父遺稿鷲峯詩文集百四十卷悉備御覽玉音曰著作之多希有之美事也出羽守承命作書告之

七月八日被召登城老臣及牧野備後守傳

命曰忍嗣聖廟在上野境內與梵宇並甍且尾張候源敬所創建也年御詣台意

不安故欲揀靈地而新營聖廟可相攸而奏之云云驚馬喜滿腔拜命之辱而平伏又召於御前見眷鄭重其後駿河臺邊有靈區僉言佳境也此地移聖堂而可也乃改名昌平坂命近臣松平方京亮輝貞為奉行時須賀飛騨守隆重出役夫官吏二人勤經營之事八月於台座講詩經集傳了賜縮緬十卷乾

者一宮以勞之。

同月 尊大君名執政執事於 御座自講

大學三綱領曰自今每月逐次可臨講席云云  
老臣近臣悉皆拜聞感嘆伏謝余亦陪其  
席講後被 召賜宴且 恩賜若干

同月二十一日尊大君出御黑書院悉召麾下  
官司群僚曰文武並用太平之政也汝等雖勤

